

黃帝內經素問靈樞經合類九卷卷之三

江州聖賢達四達父編註

晉陵壯懋華仲璋父參閱

經度

周于身惟經度營衛注焉吉凶寓焉其注其寓其審
系之類經度篇

黃帝內經素問

血氣形志篇

此篇前有血氣多少後有形志苦樂故名此摺
十二經表裏一節耳

足太陽與少陰為表裏少陽與厥陰為表裏陽明與
太陰為表裏是為足之陰陽也手太陽與少陰為表

裏少陽與心主爲表裏陽明與太陰爲表裏是爲手之陰陽也

手足陰陽之經各各爲之表裏也足太陽膀胱也足少陰腎也足少陽膽也足厥陰肝也足陽明胃也足太陰脾也此足之六經陽行于足之表則陰必行于足之裏相爲隅對故曰表裏手太陽小腸也手少陰心也手少陽三焦也手心主包絡也手陽明大腸也手太陰肺也此手之六經其爲表裏猶夫足之隅對也

陰陽離合論

此言陰陽經之陰陽也陽表陰裏謂之離陰陽相觸謂之合又異者爲離同者爲合

黃帝問曰余聞天爲陽地爲陰日爲陽月爲陰大小月三百六十日成一歲人亦應之今三陰三陽不應

陰陽其故何也岐伯對曰陰陽者數之可十推之可百數之可千推之可萬萬之大不可勝數然其要一也天覆地載萬物方生未出地者命曰陰處名曰陰中之陰則出地者命曰陰中之陽陽予之正陰爲之主故生因春長因夏收因秋藏因冬失常則天地四塞陰陽之變其在人者亦數之可數

同長上聲

陰陽之數無窮而人身應乎天地間陰陽日月四時五行人皆應之與天地同也天地止是一陰一陽人有三陰三陽何其不相應也言陰陽之道始于一推之則十百千萬不可勝數然其要則本于一陰一陽也天覆地載上而其氣下降地載于下而其氣上升則萬物在其中者于是乎生長收藏也方其未出地者地之下爲陰處于陰之中命曰陰處又名曰陰中之

陰及其出于地而生者地之上爲陽似當命曰陽處然亦不離于陰也命曰陰中之陽陽施正氣而萬物以生陰爲主持而群形乃立故生長收藏因于四時之陰陽未始失其常也失常則春不生夏不長秋不收冬不藏是天地陰陽因塞而不通此乃陰陽之變不可勝數而其在人則數之可數豈有三陰三陽而不應天地之陰陽者哉可數可推也

帝曰願聞三陰三陽之離合也岐伯曰聖人南面而立前曰廣明後曰太衝太衝之地名曰少陰少陰之上名曰太陽太陽根起于至陰結于命門名曰陰中之陽中身而上名曰廣明廣明之下名曰太陰太陰之前名曰陽明陽明根起于厲兌名曰陰中之陽厥陰之表名曰少陽少陽根起于竅陰名曰陰中之少

陽是故三陽之離合也。太陽為開，陽明為闔，少陽為
樞。三經者，不得相失也。搏而勿浮，命曰一陽。

此下一節，脩言陰陽離合之數也。分者異者為離，配
者同者為合。聖人向明治物，故南面而立。陽明在前，
衝脈在後，曰廣明者，無額面胸部而言，廣乎陽明也。
曰太衝者，少陰腎脈與之合而盛大也。太衝之地，即
少陰腎脈也。少陰腎脈行于足小指之下，太陽膀胱
脈行于足小指之上，相為表裏。至陰穴名在足小指
外側，命門者，目也。言太陽膀胱經根于至陰穴，結于
睛明穴，出于陰中，是陰中之陽也。所謂前曰廣明者，
指中身而上言之，中身而下則非也。廣明之下，中身
而下也，足太陽脾土所主，所謂腰以下為地是也。太
陰脾經之前，是陽明胃經之脈。二脈相為表裏，厲兌
穴名在足大指次指之端。陽明經脈根于此穴，出于
陰中，故為陰中之陽。厥陰肝脈行于足裏，少陽膽脈
行于其表。二經相為表裏，竅陰穴名在足小指次指
之端，少陽之脈根于此，以少陽居盡陰之表，故為陰
中之少陽。一行于表，一行于裏，謂之離。陰陽配偶，謂

合言已上是三陽之離合也。太陽在表，敷暢陽氣，謂之開。陽明在裏，受納陽氣，謂之闔。少陽在于表裏之間，轉輸陽氣，猶樞軸焉。故謂之樞。此三經之脉，宜小大浮沉正等，不可相失。搏脉之至也，若脉至勿浮，三經之脉相等，是陽氣冲和無復。三陽之別，命曰平陽，所以極言陽氣之和也。

帝曰：願聞三陰。岐伯曰：外者爲陽，內者爲陰。然則中爲陰，其衝在下，名曰太陰。太陰根起于隱白，名曰陰中之陰。太陰之後，名曰少陰。少陰根起于湧泉，名曰陰中之少陰。少陰之前，名曰厥陰。厥陰根起于大敦，陰之絕陽，名曰陰之絕陰。是故三陰之離合也。太陰爲開，厥陰爲闔，少陰爲樞。三經者，不得相失也。搏而沉，名曰一陰。陰陽彊彊，積傳爲一周，氣裏形表而

爲相成也

三陽脉行于表，三陰脉行于裏，中腹中也。腹中爲脾衝，脉在脾之下，衝爲陰，故脾名曰太陰，隱白穴名在足大指端。太陰脾脉行于前，少陰腎脉行于其後，湧泉穴名在足心下，蹠指宛宛中，少陰腎脉行于此，以少陰居陰，故爲陰中之少陰，厥陰肝脉上踝八寸，交出太陰脾經之後，始行少陰腎經之前，大敦穴名在大指三毛中，厥陰肝經根于此，絕盡也。三陰三陽至此經爲盡處，故爲絕陽，又爲絕陰。三陰行前行後之不同，謂之離。太少厥同出于陰，謂之合。此三陰自爲離合也。太陰居中，數布陰氣，謂之開。厥陰謂之盡陰，受納絕陰之氣，謂之合。少陰爲腎精氣充滿，則脾職其開，肝職其闔。腎氣不充，則開闔失常，是少陰爲樞軸也。此三經之脉亦宜小大浮沉正等，不得相失。若脉來多沉，是陰氣冲和，無復三陰之別。命曰一陰可也。靈樞一作衝，衝氣之往來也。積傳傳之不已也。氣裏形表，陰陽交互也。陰陽交相爲用，則氣血相倚而相成矣。

皮部論

皮部皮外諸經之分部也明此則仲景一生學問皆淵源于此

黃帝問曰余聞皮有分部脉有經紀筋有結絡骨有度量其所生病各異別其分部左右上下陰陽所在病之始終願聞其道岐伯對曰欲知皮部以經脉爲紀者陽主外陰主內諸經皆然

皮部以經脉爲紀各經皆然也經于上下爲經紀于陰陽爲紀根者爲結引者爲絡長短大小爲度量○陽主外陰主內舊在少陽之陽上今次于此

陽明之陽名曰害蜚上下同法視其部中有浮絡者皆陽明之脉也其色多青則痛多黑則痺黃赤則熱

多白則寒五色皆見則寒熱也絡盛則入客于經少
陽之陽名曰樞持上下同法視其部中有浮絡者皆
少陽之絡也五色診視如上絡盛則入客于經太陽
之陽名曰關樞上下同法視其部中有浮絡者皆太
陽之絡也五色診視如上絡盛則入客于經

蜚音飛

此下二節言手足陰陽之經俱有皮之部分害與關
司所謂陽明為闔是也蜚蠡動也蓋陽明者面也面
者午也五月陽氣蠢動而一陰氣上與陽始爭是關
其陽也故曰害蜚上謂手陽明下謂足陽明浮絡浮
于皮部之絡也絡中之邪既盛則入客于經脈樞樞
軸也所謂少陽為樞是也持把持也蓋少陽居于表
裏之間猶持樞軸也上謂手少陽下謂足少陽關同
衛也少陽為樞轉布陽氣太陽則約束而固衛其轉
布之陽故曰關樞上謂手太陽下謂足太陽也○五
色診視如上舊無此句今補少陽之陽未有故在陽

者主內在陰者主出以參于內諸經皆然一十九字
與上文不相承，潛去之。

少陰之陰，名曰樞。上下同法。視其部中有浮絡者，
皆少陰之絡也。五色診視如陽明，絡盛則入客于經，
其入經也，從陽部注于經。其出者，從陰內注于骨。心
主之陰，名曰害肩。上下同法。視其部中有浮絡者，皆
心主之絡也。五色診視如陽明，絡盛則入客于經。太
陰之陰，名曰關。上下同法。視其部中有浮絡者，皆
太陰之絡也。五色診視如陽明，絡盛則入客于經。凡
十二經，脉絡者，皮之部也。

儒當作臄。手少陰之脉，下循臄內後廉，足少陰之脉，
上股內後廉，皆柔軟肉盛之處。故曰臄，樞臄者，樞機。

運于臍內也。所謂三陰離合，少陰爲樞是也。上謂手少陰下，謂足少陰出，謂出于陽經也。出于陽則入于陰，入于陰故注于骨、心、主、手厥陰也。其脉上抵腋，下故曰害肩、害鬲、同蓋言鬲聚陰氣于肩腋之分，所謂厥陰爲鬲是也。上謂手厥陰下，謂足厥陰關封也。所謂太陰爲關是也。蟄蟄蟲也。蓋太陰者，裹也。裹者，子也。十一月萬物氣皆藏于中，猶封蟄也。故曰關蟄。上謂手太陰下，謂足太陰浮絡見于皮，故曰皮之部也。能知之，則可以知百病之始終矣。○五色診視如陽明舊無此五句，今補。

是故百病之始生也，必先于皮毛。邪中之則腠理開，開則入客于絡脉，留而不去，傳入于經，留而不去，傳入于府，廩于腸胃，邪之始入于皮也。泝然起毫毛，開腠理，其入于絡也，則絡脉盛，色變，其入客于經也，則氣虛，乃陷下，其留于筋骨之間，寒多則筋攣，骨痛，熱

多則筋弛骨消肉燥咽破毛直而敗

中去聲咽音閭

邪從皮毛而入有寒證熱證之分也廩舍也沂浙同灑浙惡寒也色變部中五色診見也感虛經氣虛乃感也陷下脉陷下也寒則收引故筋攣脉凝滯故骨痛熱則開張故筋弛陰髓竭故骨消肉燥肉熱也咽有肘臂厭皮肉也咽破者人熱盛則反側多而皮破也毛直而敗者液不足以澤毛也

帝曰夫子言皮之十二部其生病皆何如岐伯曰皮者脉之部也邪客于皮則腠理開開則邪入客于絡脉絡脉滿則注于經脉經脉滿則入舍于府藏也故皮者有分部不與而生大病也帝曰善

因復問而申言上文之義脉之部脉之分部也不與不及也邪客皮部部中壅滯經氣不及而生大病也

氣穴論

人身孔穴皆氣所居故曰氣穴經云諸經三百六十五穴孫希亦三百六十五穴醫谷亦三百六十五穴今鍼經所傳六百六十四穴世遠經殘莫能正考

黃帝問曰余聞氣穴三百六十五以應一歲未知其所願卒聞之岐伯稽首再拜對曰審乎哉問也其非聖帝孰能窮其道焉臣請言之

帝以氣穴之真數而詳問之也卒盡也○窮其道焉下舊有云因請益意盡言其處帝捧手逡巡而却曰夫子之開余道也目未見其處耳未聞其數而目以明耳以聰矣岐伯曰此所謂聖人易語良馬易御也帝曰余非聖人之易語也世言真數問人意今余所訪問者真數發蒙解惑未足以論也然余願聞夫子溢志盡言其處令解其意請藏之金匱不敢復出岐伯再拜而起曰計一百二十二字今僭去之臣請言之下舊有云背與心相控而痛所治天突與十椎及上紀上紀者脅腧也下紀者關元也皆胸邪繫陰陽

左右如此其病前後病滿胸脇痛而不得息不得卧
上氣短氣滿痛脉滿起斜出尻脉絡胸脇支心貫膈
上有加天突斜下有交十椎下計八十七字按其文
義與上下文不相流貫借去之

藏俞五十穴府俞七十二穴熱俞五十九穴水俞五
十七穴頭上五行行五五五二十五穴中脘兩傍各
五凡十穴大椎上兩傍各一凡二穴值瞳子浮白二
穴兩髀厭分中二穴犢鼻二穴耳中多所聞二穴眉
本二穴完骨二穴項中央一穴枕骨二穴上關二穴
大迎二穴下關二穴天柱二穴巨虛上下廉四穴曲
牙二穴天突一穴天府二穴天牖二穴扶突二穴天
窓一穴肩解二穴關元一穴委陽二穴肩貞二穴瘡

門一穴齊一穴胸俞十二穴背俞二穴膺俞十二穴
分肉二穴踝上橫二穴陰陽踇四穴水俞在諸分熱
俞在氣穴寒熱俞在兩骸厭中二穴大禁二十五凡
三百六十五穴鍼之所由行也

行音杭

五藏六府共有三百六十五穴藏謂五藏俞謂井榮
俞經合肝之井大敦也榮行間也俞太衝也經中封
也合曲泉也心之井少衝也榮少府也俞神門也經
靈道也合少海也脾之井隱白也榮大都也俞太白
也經商丘也合陰陵泉也肺之井少商也榮魚際也
俞太淵也經經渠也合尺澤也腎之井湧泉也榮然
谷也俞太谿也經復溜也合陰谷也是五藏之俞五
五二十五穴以左右合之成五十穴按手心主厥陰
亦有五穴井中衝也榮勞宮也俞大陵也經間使也
合曲澤也經意不及此五穴莫求其意或有所誤未
可知也府謂六府俞謂井榮俞原經合膽之井竅陰
也榮俠谿也俞臨泣也原丘墟也經陽輔也合陽陵

泉也、小腸之井、少澤也、榮、前谷也、俞、後谿也、原、腕骨也、經、陽谷也、合、少海也、胃之井、厲兌也、榮、內庭也、俞、陷谷也、原、衝陽也、經、解谿也、合、三里也、大腸之井、商陽也、榮、二間也、俞、三間也、原、合谷也、經、陽谿也、合、曲池也、膀胱之井、至陰也、榮、通谷也、俞、束骨也、原、京骨也、經、崑崙也、合、委中也、三焦之井、關衝也、榮、液門也、俞、中渚也、原、陽池也、經、支溝也、合、天井也、共三十六穴、以左右合之、成七十二穴、熱俞五十九穴、水俞五十七穴、詳水熱穴論、頤上五行行五、五五二十五穴、亦在熱俞之內、中脂兩傍、是背間五藏之俞、肺俞心俞、肝俞脾俞腎俞也、左右合成十穴、大椎上兩傍、天柱二穴也、左俠項後髮際大筋外廉陷者中、直瞳子者、言浮白二穴在耳後入髮際一寸、與前瞳子相僂也、脾厭、脾之分也、分中穴名、即環跳也、以其當身之半、故曰分中、犢鼻在膝下脂上俠解大筋中、多所聞也、臆宮穴也在耳中、眉本橫骨穴也、在眉頭陷者中、完骨在耳後入髮際四分、項中央風府穴也、在項上入髮際一寸、大筋內完骨中、枕骨竅陰穴也、在完骨上枕骨下、推動應手上關、一名客主人、在耳前上廉起骨端、開口有孔、大迎在曲頤前一寸三分、骨陷者中